


遣戍伊犁日記



律考目記

授經堂家藏本

律考目記

遣戍伊犁日記



嘉慶四年八月二十日本衙門乞假已準擬于九月初二日叩送

純皇帝梓宮後南行

二十四日上書 成親王

二十五日 王以書進

呈是日傳至軍機問供申刻有

旨革職交刑部卽偕刑部司官劉珏從

隆鍾門出西長安門同車到刑部撥入南監

二十六日五更上刑具復車押至

伊犁日記

丙西華門外都御史衙門聽候軍機王大臣會同刑部嚴

審未刻訊畢入

奏照大不敬律擬斬立決

二十七日

恩旨從寬免死改發伊犁交將軍保寧嚴加管束

二十八日出監至江蘇司聽事卸刑具傳送兵部車駕司

撥車一兩卽日押出彰義門諸友人同官同鄉欲送者皆

誤以爲明日是以皆不能及今略記在都御史衙門來省

者陶孝廉登瀛王編修蘇莊上舍曾儀趙舍人懷玉張吉

士惠言在南監中來省者王編修莊上舍朱公子錫經錫

庚王編修引之貴吉士慶吳吉士鼐朱吉士淥葉舍人繼

雯喬比部 方比部體汪學正端光余孝廉懷清陶孝廉
劉少府忘其名友人月升子韓比部對而李比部於培爲
予王子薦卷門生時當提牢又朝夕省視并饋贐出監日
在門外候送者繆駕部炳泰蔣表弟書山趙表弟方什表
姪戶部學轍文學 崔知縣景儼管知州學洛黃上舍
載華邵舍人葆祺方比部體趙檢討未彤龐檢討士冠出
彰義門相送者王編修戴比部敦元趙舍人施孝廉錫蕃
邵舍人莊上舍世交王公子長年管知州同在普濟堂相
候時日已曛黑因相與茶話而別惟偕崔知縣莊上舍聯
車而進一鼓至拱極城武衙門投文撥兵相送兵部差官
乃返抵蘆溝橋左覓店投宿則同里張吉士已扶病相待

伊犁日記

二

張君本故人因本年五月

恩派教習庶吉士張君適在所派十三人之內執弟子之
禮甚恭余不敢當也其餘諸君亦絡繹出送致贐并憤憤
具呈不欲派新教習余急止之曰此必重余罪然亦具見
諸君之相愛矣是夕與崔莊張三人抵足劇談四鼓乃卧
二十九日平明兒子飴孫始具轎車一兩大車一兩略備
衣履行費偕來又派隨行三人趙坤同里人隨余三年唐
福壽貴州修文人余視學時所僱車夫趙立生山東濟南
人亦相隨三年兒子又偕其同年陶君及芮甥玉衡來送
相與共飯畢堅辭諸君惟携兒子及芮甥二人至良鄉是
日有追送不及者王給事念孫法祭酒式善汪學正端光

及其二子張檢討問陶方比部體陳明經文杰許治中學
范携贖出送者阮少農元朱四及十一兩公子餘則不及
知也

九月初一日早自良鄉發因命兒子芮甥回都并命兒子
于次日僱車偕崔君旋里支持門戶惟屬以闔門待罪恐
懼修省八字他不多屬遂隻身長行是夕二鼓宿涿州東
關

初二日宿定興縣城外

初三日宿安肅縣城外

初四日未刻抵保定稍補綴衣履日夕清苑令李君
來訪李君上蔡人舉人入官初不相知慰勞甚至并致贖

伊犁日記

三

及食物卻之不得談次表弟趙孝廉鍾書江寧陳上舍瀆
繼至各持說部書一二種相贈備道中流覽

初五日行九十里宿望都縣南關小雨

初六日晴行六十里宿定州城外日始中

初七日行五十里宿新樂縣城外

初八日行九十里宿正定府城內

初九日雨未刻始晴不及行

初十日巳刻渡滹沱河行六十里宿獲鹿縣城外知縣長
洲孔君傳經來訪時巳卧婉辭去

十一日行七十里宿井陘縣城外泝水上

十二日行六十五里宿樂平故縣柏井鎮

十三日行六十五里宿平定州西關外兩日中山道甚險
每日步行三十里方得達

十四日行八十里宿芹泉駟

十五日行八十里宿西嶺舖

十六日行七十里宿榆次縣城外西關知縣仁和陳君曰
壽來訪詢之庚子同年也劇談至夜爲料理一切甚周并
餽贐乃去夜半教諭朔平崔君登雲率諸生何郁曾等來
謁家人辭以久睡乃坐門外待曙余知之急起延入崔君
選拔貢生何生年已七十各携酒果來餉余嘉其意受之
瀕行各袖出贐金以饋余不得已受崔君二金餘並却之
送客出復偃卧半晌方曉

十七日行七十里之徐溝縣城外宿半道逢同年吳觀察
樹萱赴任四川兼解餉銀在永康鎮茶話而別抵徐溝日
已將晡知縣豐潤佟君謹思來訪甲午同年也談久乃去
十八日行六十里宿祁縣城外

十九日陰行五十里宿平遙縣城外東關

二十日晴行八十里宿界休縣城內出訪文潞公祠道逢
同年董觀察教增亦赴任四川兼押餉銀者立談少刻而
別同行宋太守鳴琦亦到逆旅相訪時雲南鄭孝廉丕清
亦在坐皆談至定更乃去孝廉普泃人將赴四川學使幕
二十一日行八十里宿靈石縣水頭嶺晚出步汾水上行
二里許

二十二日五鼓行二十里下車步行過韓侯嶺凡二十里
又六十里宿霍州城內先曾祖舊治也蔣刺史榮昌來訪
蔣君睢州人丁酉舉人堅欲留至署中余以負罪之人一
路皆不入衙署乃止因約明早至本州附生范爾照別墅
小飯余諾之定更後范生偕吾鄉惲上舍從禮來謁惲君
見爲此州山長三更後光州胡觀察鉅路過來訪皆以久
睡婉辭去明早蔣君來速卽同至范生處與惲君共四人
飯罷乃行蔣君以夷堅志范生以元百家詩相贈

二十三日午刻行五十里宿趙城縣南關

二十四日甫行六十五里宿臨汾縣東乾井鎮

二十五日陰行二十五里抵平陽府繆太守晉同里同年

伊犁日記

五

臨汾令清苑張君五倫庚子同年並來訪久談乃去又甫
行四十里宿趙曲鎮

二十六日五鼓行八十里至曲沃

每過州縣必換文書是
以必詣治所非駟路也

下皆
同又三十里宿候馬駟

二十七日行八十里宿聞喜縣東關

二十八日行五十里至夏縣又四十里宿安邑縣北關已

二鼓次日清早知縣吳縣嚴君廷燦來訪嚴君籍直隸庚

寅舉人與王少林孫淵如皆至好久談乃去

二十九日行六十里宿猗氏縣東關

三十日行四十里宿臨晉縣城外東關

十月初一日行七十里宿蒲州府城內

初二日行七十里渡黃河宿潼關城內同里余秀才館于此來謁久談乃去明早復來送

初三日行四十里謁華岳廟小憩又五里宿華陰縣城西關華山兩日來皆重霧相蔽至是忽開朗因怡坐店門清切看山半日

初四日行七十里至華州同年錢州判拈攝此州苦邀至署住宿本城王公子志恬志沂來謁又海豐李公子式鄒同來州守李君帶雙之孫也

初五日同錢君騎馬之少華山半久憩白衣菴回途詣兩公子別墅一日綠天閣一日蓮屏閣日昃乃回爲兩公子書篆榜及條幅至二鼓方散

伊犁日記

六

初六日早飯後行錢君贈贖甚厚并貽書五六種六十里宿渭南縣城內客邸知縣餘杭俞君廷璋來訪談久乃去俞癸丑進士同年比部廷綸子也

初七日行八十里宿臨潼縣城外華清泉上先是在零口早飯時晤常熟鹽大使屈煥文相與久談抵縣知縣阮君坦亦來訪阮上元人亦同鄉也送客後至新開池浴月上又浴明曙又詣太子池浴

初八日行五十里抵西安省城長安令同鄉費君濬爲備樓北客館而友人程上舍敦欲邀至車家巷宿余以就近卸行李于樓北而程君已來因偕至車家巷賀宅午飯歸寓後同鄉繆孝廉紱莊表兄寶璐年家子龔縣丞述祖來

訪龔君江西臨川丞解餉甘肅回過此

初九日雨海鹽陳理問望會來訪午後至書坊購書十餘種

初十日雨止午後偕繆孝廉紱騎馬訪薦福寺小雁塔長安令費君濬兩次來訪甫得見久談乃去并餽贐續同鄉程縣丞鵬王上舍敬思咸甯賀君廷佐臨潼馬封君 並來謁並各饋乾糗食物苦辭不允皆酌受一二種

十一日晴行五十里渡渭河宿咸陽城內客館館甚幽敞月光亦倍皎潔因憶壬寅年冬與孫兵備星衍同宿此已十八年矣不勝今昔之感

十二日道中小雨行七十里宿醴泉縣西關

伊犁日記

七

十三日陰翳行四十五里宿乾州城內客館

十四日甚雨行四十里宿監軍鎮

十五日雨作雪行四十里宿永壽縣城外東關客館邠州守莊君所已遣人相迓莊君舊交又表姊婿也是日泥濘甚在途次羈留至半日

十六日行四十里至邠州界太峪莊君已遣人備小飯于此因飽食而進又行三十里月甫上至州署與刺史及表姊談至二鼓方睡

十七日十八日在州署

十九日午後偕同里程永孝諸人出州北門眺涇水上遂折至東門浴于皇澗上客邸乃歸

二十日陰已刻乃晴凡宿州署五夕每夕必談至三鼓瀕
行刺史夫婦饋贖百兩以及禦寒衣裘果餌乾糗無不備
二十一日早刺史昆仲暨陳君永孝同送至二十里外憇
大佛寺徧觀宋明人磨厓又共飯而別是日行八十里宿
長武縣城南關日已暝

二十二日行一百里宿涇州郭內日乍落

二十三日渡涇水行七十里宿平涼白水驛亭中饋食者
誠敬而豐腆獲戾之人覺倜然難安矣

二十四日行七十里抵平涼距城二里平涼令徐君寅來
迓徐君錢塘人壬午副榜入城宿縣東客館徐君復來久
談乃去

伊犁日記

八

二十五日行九十里宿瓦亭駟客館明日爲太宜人諱日
是夕焚香行禮夜久乃息

二十六日行十五里至樂蟠山山甚險峻下行二十里過
山頂復車行十五里宿隆德縣城客邸

二十七日行九十里宿靜甯州西關客舍

二十八日五鼓行九十里宿會甯縣清家駟日乍晡

二十九日五鼓行九十里宿會甯縣城外西關日未晡

十一月初一日五鼓行九十里宿安定縣青嵐山頂日未
晡

初二日五鼓行三十里抵安定縣換車同年吳江王君錕
前兵備鞏昌已擢浙江臬使行已二十餘日特留人相迓

并餽食余以適飯罷辭之然意可感也又行六十里宿穉
鈎駟

初三日行一百二十里宿迂道至金縣新月已上縣僻無
逆旅寄宿野人家見禾黍滿階紡車盈側覺田廬之樂矣
卧甚適

初四日日始行九十里抵晚至甘肅省城楊方伯揆已
遣人相迓卽入署與方伯兄刺史芳燦興化黃大令駢談
至二鼓出就客邸宿

初五日下午楊刺史黃大令來訪久談乃去

初六日晨刻無錫嵇大令承裕來訪詢以出關事宜大令
甚悉蓋大令久在口外又現自玉門縣避姻親調三原不
日將發矣續浦江周公子惟漢狄道陸文學芝田及楊公
子承憲來謁午後楊方伯來訪久談乃去并邀同至署在
藝香花圃圍爐久坐劇談至三鼓歸寓

初七日晨刻姜廉使開陽過訪久談乃去本城生員秦維
岱維巖維岫來謁并饋食物皆同年秦編修維岳胞弟也
午後車行出城登五泉山寺

初八日晨刻嵇君復來訪姜廉使邀過署午飯以將束裝
辭之午後訪方伯署話別時方伯爲上下人製出關衣履
甚周備并詣謝留話至更定乃歸方伯廉使各饋贖百兩
西安守朱君勳寄至贖金二百

初九日晨刻周楊兩公子及陸秦諸文學來送午後刺史

方伯同來又邀入署餞別二更乃返

初十日晨刻詣姜廉使話別廉使復到寓相送出城臯蘭
豐太令及黃大令並出送秦文學維岱送至三里外是日
行四十里宿沙井驛

十一日五鼓行七十里宿苦水驛日乍昃

十二日四鼓行一百二十里宿平番縣西關

十三日早韋大令佩金相訪韋江都人甲午同年以進士
官廣西知縣亦以貽誤軍務發伊犁相約至涼州同行蓋
韋部署尙未定也是日巳刻行七十里宿岔口鎮日乍落
十四日四鼓乘月行一百二十里宿黑松營日欲晡

十五日五鼓行三十里至古浪縣又六十里宿靖邊營日

伊犁日記

十

乍昃

十六日五鼓行七十里抵涼州府東關客館同里無錫蔡
君驤來訪渠久在口外一切出關事宜皆託其料理

十七日陰蔡君約至武威署早飯

十八日晴安定陳文學正常偕蔡君來謁爲料理一切日
晚乃去同年韋君亦至約余先在肅州相待

十九日行四十里宿四十里鋪

二十日四鼓行六十里宿義學堡日乍中

二十一日四鼓行八十里過永昌縣二十里宿日欲落

二十二日四鼓行七十里宿丁將廂日乍晡

二十三日四鼓行九十里宿山丹縣城內日乍斜

二十四日平明行七十里宿張掖古城汎

二十五日五鼓行四十里至甘州府東郭日午高唐大令以增周二尹能珂來訪皆殷拳饋贖周又贈騾一頭因至大令署中飯并識令弟夢莊大令歸安人丁酉選拔孝廉共出王韓城師門下

二十六日長至日出時行七十里宿沙河堡日未落客邸映月樓正對天山

二十七日四鼓行四十里抵撫夷廳同鄉于通判時兆駐此以病不能出遣人邀至署于密室相見久談復共飯而別通判丙子孝廉文襄猶子也又行四十里宿高台縣城東關縣令蔡君本榮福建孝廉葛山師從子也堅邀移寓

伊犁日記

十一

公廨因順訪縣署卽留共飯更定并親送至邸中久談而別

二十八日四鼓行一百里宿深溝駟日欲落

二十九日四鼓行一百十里宿黃泥舖時交申

十二月初一日四鼓行六十里抵肅州城內客邸午後李刺史景玉來訪湖南人甲午同年也繼山陰徐上舍應鵬來謁刺史客也

初二日本城王儲英韓成憲兩孝廉武永清文學來謁久談乃去午後刺史約小飯并爲徐君等書篆字柱帖十餘幅

初三日僱定伊犁長車二輛下午徐君約入署小飯吏目

長洲蔣君維宗及李君弟景春與武威潘明經炯張文學子齡來謁久談乃去

初四日州學正三原趙君敬業來謁下午蔣君招飲刺史饋出關食物甚周急

初五日清晨李刺史及蔣吏目來送已刻行七十里宿嘉峪城外東關新月乍上巡檢山陰高詞來謁

初六日辰刻出嘉峪關以風大四十里宿雙井子

初七日四鼓行一百二十里宿赤金湖日平西

初八日四鼓行一百三十里宿玉門縣城東關日欲昃署縣事昌邑姜君 華典史無錫顧君光顯來謁久談乃去家人煮臘八粥甚美

伊犁日記

十一

初九日平明姜君約入署早飯并使其子出見兼饋贐飯後行五十里抵三道溝安西州守山陰胡君紀勳以比糧至此因約至公廨小飯晚刻乃回

初十日以車夫一人逸去重僱定過午乃行五十里宿八道溝

十一日四鼓行一百十里宿沙棗園日乍下

十二日四鼓行九十里抵安西州半道胡刺史已遣人相迓因卽進州署劇談至更定乃出并使其二子出見宿州東客邸

十三日在安西州晨刻李學正蓉來謁韓城人丙午孝廉又吏目徐秉中來謁山陰人上午刺史來訪并約至署早

飯飯後爲書篆字楹帖十餘副更定乃回刺史餉食物及短襟皮衣兼贈贐

十四日四鼓行九十里抵白墩子日正中其旁卽疏勒河十五日四鼓行七十里抵紅柳園甫及巳刻

十六日四鼓行八十里抵大泉日未中

十七日四鼓行七十里抵馬連井日正曙

十八日四鼓行八十里抵猩猩峽日未中

十九日四鼓行九十里抵沙泉子日方中

二十日四鼓行八十里大風抵苦水汎日尙旱水苦而鹹刺口不可飲

二十一日三鼓行一百四十里抵格子汎日過中

伊犁日記

十三

二十二日五鼓行七十里抵長流水日午中有烏魯木齊釋回知縣陳君世章來訪談半日乃去陳君江西萬載人癸丑進士官湖北保康知縣以邪教案發新疆二年期滿減徒入關者也

二十三日三鼓行一百四十里抵哈密西關日過中哈密通判王君湖遣人相迓并爲供帳于乾泰店將晚王君來訪王君漢軍正紅旗人由中書厯官知府降調通判又調至此談至三鼓乃去

二十四日印房主事塔甯阿來訪塔滿洲駐防古城人續欽差駐哈密大臣三等伯伍彌烏遜過訪蒙古人前大學士伍彌泰長子亮吉前客西安與大學士亦有舊喬梓俱

有學識論世事亦甚通達談至闋時乃去又署副將何守林來訪午後通判王君邀小飯日晚方回伍伯送食物甚夥定更後王君又來送并饋贐

二十三日平明行一百十里宿南山口已二鼓屋後泉聲淙淙徹夜不歇如卧江南山水窟中矣

二十六日平明行入南山一路老柳如門飛橋無數青松萬樹碧澗千層雲影日輝助其奇麗忘其爲塞外矣過嶺風色頓殊雪飄如掌闌干千尺直下難停嶺頭一外委率十餘兵助挽始下至晚雪已盈丈是日行七十里宿松樹塘已無徑路望夾道松株方克前進抵旅舍已定更矣
二十七日平明雪行八十里抵奎素日過未至申刻雪愈

大

二十八日侵曉行九十里抵鎮西府城內宏順店日乍昃二十九日奇寒宜禾縣景安饋食物

三十日奇寒午後于客帳祀先抵晚景君復饋食物

嘉慶五年元日在鎮西府

初二日午後至滿州城閑步

初三日雪後大風已刻行七十里抵蘇吉未至半里車夫不知何往馬驚車覆壓客幾死半時許逢人救乃甦至客邸已暮矣

初四日五鼓行八十里宿肋巴泉日交申

初五日五鼓行一百三十里宿噶順日已落

初六日大風雪午刻始行六十里宿北山子日乍晴

初七日已刻行六十里宿大石頭汎山甚險且積雪沒路
至日落甫到

初八日平明行一百二十里抵三個泉明月已高積雪千
里天與地皆一色真清涼世界也

初九日平明行九十里大風雪宿木壘河月又出

初十日平明行九十里抵奇臺縣日乍午即詣同里張縣
尉潮海署飯因留宿前尉山陰孫球亦來謁并饋食物

十一日立春已刻自尉署起行九十里抵古城日過中微
雪午後出訪長白少司寇琅玕久談留飯回寓後即來訪
時以領隊大臣新擢刑部侍郎巡檢鄉甯李君泰饋食物

伊犁日記

十五

及果餌李君昨在奇臺解后尙未回署也雪益緊更定少
司寇又遣人送食物

十二日雪辰刻行五十里雪霽又四十里抵吉木薩城日
乍昃縣丞長洲蔣君錦成來謁談至上燈乃去并饋春餅
牢丸及南菜數種

十三日五鼓冒雪行三十里又誤行二十里復回車就正
道雪亦稍霽又行八十里抵四十里井日已西重車至月
上甫到

十四日破曙行一百里抵大泉日平西

十五日五鼓行四十里過阜康縣又七十里抵黑溝日平
西重車至定更方到因分餉酒肉是日寒不可耐篝火亦